



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Septiceps Lvthervs, Vbique Sibi, Svis Scriptis contrarius,
in visitationem Saxoniam**

Cochlaeus, Johannes

Parisiis, 1564

De libertate Christiana, cap. 41.

urn:nbn:de:hbz:466:1-35803

C A P. X L I.

QValem nobis inuexerit libertatem Lutherus, ex superius adductis abundè intelligitur: Hic ergo breuitatis gratia quædam commemorasse sufficiat. Ait nunc in visitatione, Aliqui item loquuntur indiscretè de libertate Christiana, per quod sanè homines quidam putant, se ita liberos esse, vt nullis debeant esse subiecti superioribus, nec teneantur ulterius reddere quod debent. Alij putant Christianam libertatem nihil aliud esse, quàm edere carnes, non confiteri, nõ ieiunare, &c. Eiusmodi ineptas opiniones vulgi debent prædicatores increpare, atque dare instructionem, quæ ad emendationem, non ad temeritatem deseruiat. Hæc nuper. Antea verò longè aliter docuit in libris & sermonibus complurimis: hîc duo tantû exempla ex vno eius sermone recensebo. Si quis te cogere velit (inquit) quemadmodum fecit Papa cum legibus suis, ne comedas carnes feria sexta, & in Quadragesima, hîc nullo pacto finas te à libertate, in quam te Deus posuit, extrudi, sed in eius despectum, contrarium agas, & dicas, ob id ipsum sanè, quòd prohibes mihi esum carniû, & conaris ex mea libertate præceptum facere, ideo in despectum tui vescar illis. Sic facias (inquit) in omnibus aliis quæ libera sunt.

In lib. Vist.

*In 500. art.
art. 391.*

*In serm. feria 4. post
Inuocauit.*

*art. 302.
Ibidem.*

DE LIBERTATE CHRISTIANA.

Accipe exemplum, si me Papa aut alius quispiam cogere velit, ut cappam deferam, hoc & non aliud, tunc velim in despectum eius, cappam proiicere. Cùm autem sit in mea libera voluntate, deferam ipsam, quando mihi libet: quando non, abiiciam. Ex his breuibus exemplis facilè coniecere licet, qualia sint cætera, quæ prius de libertate docuit, ac miseros rusticos in arma, cunctis Gracchis, Catalinisque & Barrabis seditiosior, concitauit sceleratissimè. At nunc post data damna serò docet aliter: Posteaquàm Ducenta ferme Milia (vti scribit insignis Theologus, Senex, Venerabilis, Doctor, Conradus, Vvimpina) rusticorum Germaniæ, Anno Domini M. D. xxv. cæsa & profligata, ac diuersis suppliciorum generibus trucidata sunt: Exustis ante hac ab eisdem rusticis, vastatisque Monasteriis & demolitis arcibus in vnica Franconiæ regione Nonaginta tribus supra Ducentas. Doceat igitur Lutherus nunc, ut lubet, hæc rerum dâna (ut de corruptis moribus & de animabus, quas ipsemet inferno adiudicat, nihil dicam) nunquam restituere patriæ nostræ poterunt omnes Lutherani in vnum coniuncti simul. Videant igitur, quid Deo, Cæsari, & Concilio aliquando respondeant, si super tot malis, ex Lutherica doctrina prognatis, rationem reddere iussi fuerint.

*In magno
opere nuper
edito. parte
j. lib. 2. art.
17.*

*In lib. 2. cõ-
tra rusticos.*